



PENUWAN OOMW KAPASEIS REEN EWE OPPWOSUN COVID-19

1. UPWE ANGEI EWE OPPOSUN COVID-19?

Mei auchchea oomw kopwe angei ei oppwos. Ei oppwos epwe eppet sonuk menun ewe semmwen Covid-19. Ika pwun ee uruk ei matter mwirin oomw angei ei oppwos, ewe oppwos epwe anisuk aan esapw watte ngonuk efeingngawan ewe semmwen. Oomw angei ei oppwosun eppetin Covid-19 mei anisuk pwan anisi menun unukkumw.

2. EWE OPPWOS MEI TOONGENI AWORA NGENI EI EWE SEMMWN COVID-19?

Aapw. Meinsin ekkewe oppwosun eppetin ei semmen mei feer non merika ese oor menun ewe semmwen Covid-19 non. Oomw ka angei ewe oppwos, mei fitu raan aan menun non inisumw repwe toongeni eppetin ewe semmwen seni inisumw. Mei tuufich aan epwe uruk ewe semmwen nupwen aan ewe oppwos ese mwo epechekkuna menun non inisumw.

3. IKA AA FEN PIIN URUEI COVID-19, UPWE PWAN ANGEI EI OPPWOSUN EPPETIN COVID-19?

Ewer. CDC aa menei oomw kopwe angei ei oppwos ika pwun aa fen uruk Covid-19 akkoom. Ei semmwen mei toongeni epwe uruk sefaan.

4. NEIWE SEMIRIT EPWE TONGENI ANGEI EWE OPPWOS?

Aapw. Semiriit resapw mwo angei ei oppwosun eppetin Covid-19. Ekkewe sousafei iir meii chek kae ngeni ei oppwos ika epwe efeingngaw ngeni semiriit 16 iear feittiw.

5. EPWE EFEINGNGAW NGENI EI EWE OPPWOSUN COVID-19 IKA PWUN MEI OOR EKKOCH AI SEMMWN?

Aapw. Ei oppwos mei auchchea ngeni ekkewe mei oor ekkoch aar semmwen (reen semmwenin ngasangas, semmwenin emmun, me suke) aar repwe angei. Nupwen aa toori emen Covid-19 nge mei oor ekkoch aan semmwen, epwe watte efeingngawan ewe semmwen ngeniir.

6. EPWE ECH AI UPWE PWISIN CHIKAR SENI EWE SEMWEN COVID-19 AAN MENUN NON INISI EPWE PECHHEKKUN NE EPPETI EI AI UPWE SEMMWN SEFAANI NAP SENI AI UPWE ANGEI EWE OPPWOS?

Apw. Ika kaa pwusin chikar seni eii Covid-19, monun non inisumw meii eppetin eii semwen aan epwe uruk sefaan nge non jok fansoun mochomoch. Nge ika ke angei ewe oppwos, mei toongeni anisi inisumw non fansoun nakattam.

7. PWATA UPWE ANGEI 2 SOKKUN OPPWOS?

Ren iei, 2 sokkun oppwos aa or faniten ei semmwen ika matter COVID-19. Eewin oppwos, oppwosun aan inisumw epwe esinna menun ei matter. Ena oruuwen oppwos, oppwosun an inisumw epwe pechekkun ne fiu are eppetin sonuk ei semmwen.

8. EWE OPPWOS MEI TOONGENI AN EPWE EMETEKIEI IKA FEN ESEMMWENIIEI?

Ussun safei meinsin, mei oor ekkoch ngawan ei oppwos. Nupwe emen aa angei ewe oppwos, mei toongeni epwe metek ika nupwuchon ian ewe ee oppwos ia, metek mekuran ika mwaanien, pichikkar, me metek neechuun. Ekkei esissin esapw esissinan pwun aa uruk Covid-19 nge pwun menun non inisumw raa ppopwuta ne siiwin aar epwe ne poputa feeri aar angaang ne eppetin ewe semmwen seni inisumw.

9. MEI OR TERIN EL OPPWOS?

Ekkewe oppwosun eppetin Covid-19 mei chek minafe ngeni kich. Ina minne ei auchchea aan epwe chommwong aramas repwe angei ewe oppwosun aan sousafei repwe sinefichi ika epwe oor terin ei oppwos. Aafen napeseni 8 wiik aan sousafei kae ei oppwos ika epwe oor sokkun terin. Mwurin 8 wiik, ra sinei pwun epwe ne weires aan epwe oor sokkun terin me ngawan ewe oppwos epwe fis ngeni emen.

10. PWATA UPWE SINEI NGE EI OPPWOS ESE EFEINGNGAW?

Aafen nuuseni fiteipwuku-ngeruun aramas ra angei ekkewe oppwosun aan sousafei repwe kae me sinei ifa ussun echchun me efeingngawan ekkei oppwosun ngeni aramas ese nifinifin. CDC me FDA ra epwungaano pwun ikkei ekkewe oppwosun aramas ra toongeni angei nge repwe nengenfichi are epwe oor sokkun osukosukan ekkei oppwos.

11. MEET UPWE FEERI IKA EE TOORI EI OSUKOSUKAN EWE OPPWOS MWIRIN UWA ANGEI?

Ika ke meefi oomw semmwen mwirin oomw angei ewe oppwos, mwittir kekkeeri 911 ika ia ke angei ie oomw we oppwos. Ika ese kiisono oomw we semmwen mwirin fitu raan, kekkeeri ika mwittir chuunong non ekkewe pioing.

12. INET ARAMAS MEINSIN REPWE TOONGENI ANGEI EI OPPWOSUN COVID-19

Seni aan ese mwo chommwong ekkei oppwosun mei toori fenuach, CDC me ewe Guam's Vaccine and Antiviral Prioritization Policy Committee (VAPPC) ra mwochen akkoomwa ekkewe epwe mecheres ngeniir aan epwe uriir ewe semmwen Covid-19 me ekkewe epwe efeingngaw ngeniir ei semmwen nupwan aan aa toori (reen ekekwe iir mei mwuukono aar repwe angei ei oppwos). Ika aa chommwongono ekkei oppwos, DPHSS me ewe VAPPC repwe feeri aan epwe toori meinsin aramas ei oppwos.



Reen tichchikin ei pworous, teeta woon dphss.guam.gov ika kekkeeri 311